

北京圖書館出版社

北京師範大學圖書館藏

稀見方志叢刊

武清縣志卷六

[illegible]

北京師範大學圖書館藏稀見方志叢刊

十五

北京師範大學圖書館 編

北京圖書館出版社

吉水縣志卷之二十二

人物志

忠義目錄

宋

楊邦乂 楊杞 李邈 解元 鄒鳳

劉欽 劉伯文 陳應乙 張珩璜 鞠華叔

顏斯立 蕭資 金應 錢申叟 張雲

彭世範 藍文清 張千載 龐季安 羅子發

蕭煥 蕭文琬 劉榮附孫禮

附義行

李明 張舜中 歐陽景哲

元

解子元 劉福附郭太高文鼎 劉元謨 周元定

蕭生 郭煥章 曾煒 張心禹 鄧椿

朱仕華 周子昭 張希平 謝愈賢 蕭天祐

周監 李蒼崖 劉昭 曾粹中 郭楚金

李恕 曾萬中 李桂 李熾 郭敏則

郭君輔 楊閔



羅仲淵

張萬鼎

秦明學

袁汝昂

歐陽尚忠

張

敬

附王孔楨

羅暘五

周

憲

羅

卿

江汝真

蔡清穆

徐元

羅英

周仁俊

曾希恭

曾友謙

李貞觀

羅城

胡有初

王文子

蕭文忠

龍在霄

藍處葵

李維霖

龍從霖

蕭萬里

周恂友

胡有初至周恂友九人合傳

婁世絜

孫松樓

徐卿

劉三傑

王廣倫

陳孔卓

胡士良

李勵

李懋

郭韞琪

羅啟瑞

周吉慶

皇清

劉綺 劉醇夫

附義行

陳大勲 羅宗鏹 劉必達 劉大縉 徐泰來

王錫 陳定成 陳曰秀 彭大堦 陳仁濬

邱天將 毛文魁 毛佩璜 周作陶 周埶先

李憲昌 李先蕃 李銑 彭學鑑 李成柱

劉定明 周登元 王宏遠 謝仁特 鄧仲逢

羅君拔 李照寶 劉紫貴 周啟嶸 王樹德

羅承勲

蕭嘉樹

周瑞洪

陳濬義

蕭應顯

羅少安

羅文煥

補載

楊隆

黃若石

志水縣志卷之二十二

吉水縣知縣長沙周樹槐纂修

人物志

忠義

宋

楊忠襄邦乂字晞稷博通古今以舍選登進士第歷婺
源尉蘄廬建康三郡教授改知溧陽縣會叛卒周德
挺府殺官吏縣囚趙明故邑豪也邦乂出明於庭欲
立誅之因諭曰若悉知里中豪傑誠集若徒誅賊宥

若罪且上功畀爵明奮請行邦乂飲以卮酒縱之去
越翼日明帥少年討平之建炎三年金人至江上高
宗如浙留右僕射杜充爲御營使駐建康充酷而無
謀士心不附金人渡礪砂克遣陳淬等及金人戰於
馬家渡淬被擒克以衆降金人遂濟江勢行逼城時
李昉以戶部尙書董餉陳邦光以顯謨閣學士守建
康皆具降狀逆之十里亭金帥完顏宗弼旣入城稅
邦光率官屬迎邦乂不屈以血大書衣裾曰寧作趙
氏鬼不爲他邦臣宗弼不能屈遣人說降許以舊官

邦父以首觸柱流血曰死尚不畏豈可利動速殺我
翼日宗弼等與梔邦光宴堂上立邦父於庭邦父叱
梔邦光曰天子以若扞城敵至不能抗更與共宴樂
何面目見我乎有劉團練者以紙書死活二字示邦
父曰若無多言欲死趣書死字邦父奮筆立書死金
人相顧動色然未敢害也已而宗弼再引邦父邦父
不勝憤遙望大罵曰若以闕亂華天寧久假若行磔
矣安得汚我宗弼大怒殺之剖取其心事聞贈直秘
閣賜田三頃官爲歛葬謚忠襄官其二子邦父少處

郡學目不視非禮同舍引之飲託言故舊家實娼館也邦父初不疑酒數行娼出邦父愕然急還舍流涕自責紹興七年樞密院言邦父忠節顯著帝曰顏真卿異代忠臣朕且官其後邦父爲朕死節當錄以勸忠義加贈徽猷閣待制增賜田三頃邦父之被囚也有養子陳伯者在傍不去邦父罵宗弼伯亦舉甓擊之遂與俱戮有賈山砦者亦被執潛命其子結里人詐爲鬻茆者挾兵以入事覺父子被磔又從者楊再興誓必報仇投岳武穆帳下後陷陣死之焚其尸得

箭鏃二升詔官其子郡人並以從祀

楊杞字元卿政和進士始與兄邦父同讀書每相勵曰
爵祿不必力取當力取名節耳邦父死節杞宰貴池
經理其家而收恤其孤以歸人皆歎曰兄忠于君弟
忠于兄稱曰鱣堂先生有文集若干卷

忠壯邈西平忠武王之裔也西平七世孫祖堯從宜
春徙吉水谷村又四世孫道道子德金生宗翊宗孟
翊仕宋至工部尙書孟仕至刑部尙書孟子中爲登
科令中生邈少有才畧見事風生宣和間知霸州時

童貫將連金人合攻契丹邈上書力言不可忤貫意
免官久之復起知嚴州貫收復燕山邈嘆曰禍亂自
此始矣未幾又罷靖康元年金人圍汴宇文虛中聞
變收散卒得東南卒二萬人以便宜起邈領之以入
援至汴詔邈入見出知真定金兵至邈且戰且守相
持四旬衆不支城破邈巷戰被執囚軍中凡三載金
主令知滄州邈笑不答及金令禁漢服又令髡髮不
如式者殺之使逼邈邈憤詆之金人以鐵搗擊其口
猶吮血嚙之罵不絕遂死之死時顏色不變南向再

拜始就戮燕人無不流涕事聞贈昭化軍節度使諡忠壯從兄還亦死金國贈昭慶軍節度使諡忠毅其後徙湖然谷村李氏祖祠祀二忠如故

解元字善長吉水人多力善射初起兵保安軍德清積功授青澗都虞侯建炎三年詔隸韓世忠擢偏將軍世忠出下邳金兵大至元領二千游騎俘其生口俄而復出騎兵數千四面集擲身輒陷陣一大酋驚墜馬走衆兵辟易遁去以功授閣門宣贊舍人苗劉走追擒之蒲城四年三月金人攻浙西世忠邀之京口

橫海舟以截江金人出小舟數千以長鉤板艦元躍入其舟大呼擊殺數十人生擒數大會以功授中州團練使統制前軍討閩寇功皆第一劉忠者長沙劇賊也擁衆數萬據白面山前阻水而營有詔世忠及元進討之距賊營三十里而陣衆心憚之元單騎直前度水薄賊營持丈八長矛據鞍四顧賊懼其狀貌莫敢鬪賊環營皆望樓從上視下指呼倏忽四集元率兵五百長戟居中翼以弓矢一鼓奪其望樓麾兵四進賊驚樓迸散劉忠騎甲赴水生擒之改相州觀

察使紹興四年金人及僞齊入寇世忠自鎮江趨揚州元趨辰州金兵大至元度明日必至城下先遣百人伏要路百人伏嶽廣自以四百人伏路隅令曰金人若過我先出掩伏要路者見我麾號則立幟以待金人必走岳廣伏兵皆出又決河以遏之賊破必矣金人果走岳廣元追獲不可勝計未幾兀朮督兵四面攻城元卽卻之追奔十餘里改同州觀察使六年與世忠出下邳以數百騎破金伏兵萬餘人授保順軍承宣使十年畧地淮揚駐答伶莊敵騎數千來迎